

Enformaziuns y Comunicaziuns

AODANZES: Döt le bun, sanité y benedisciun a

Trebo Paula *18.12.1931

y a düc chi co à santennom y complësc i agn cöst'edema.

Funziuns: Sën d'Advënt èl ia por l'Edema trëi iadi Rorate - lõnesc, dédemesaledema y vëndres - co vën dagnora inçe abeli da en grup co cianta o sona. Inçe i dis che al n'è nia Rorate, èl te dlìja funziuns y meditaziuns. Cöst'edema saràl en dédölõnesc ai 17 na meditaziun de Taizé, y en jöbia ai 19 na funziun d'Advënt, dagnora ales 19:30. Düc è bel enviës da tó pert.

Trëi Rêsc: Les porsones co s'à motü a desposiziun da acompagné i Trëi Rêsc, o co dëida pla aziun, è periades da gni a na encuntada olache al gnarà dandadöt partì sò les strades y definì plü avisa l'organisaziun: en dédemesaledema ai 18 de dezëmbër ales 19:00, te salf de calogna.

Sontada: Le Consëi de Ploania s'encunta en dédemesaledema ai 18 de dezëmbër dō Rorate, por na meditaziun y picia festa da Nadé, te salf de calogna.

Uniun dles Ères: La uniun fej na sontada en lõnesc ai 16 de dezëmbër dō Rorate, te calogna.

Oraziun: En vëndres ai 20 de dezëmbër ales 8 da sëra saràl tla capela da Oies na oraziun de Taizé, olache al vën perié, medité y cianté en forma de Taizé. Düc è enviës da tó pert.

Biblioteca: Mitans y mituns dla scolina è enviës da gni en jöbia ai 19 de dezëmbër ales 3 dômsidè te biblioteca d'Al Plan, por en domisdé de stories y pastlené.

Encuntada: Le grup de autoaiüt "Atmosfera", por porsones con problematiches psichiches, enviëia düc cancé a na meditaziun dla lõm, con de beles fotografies y tesé co va sot. An s'encunta en jöbia ai 19 de dezëmbër ales 15:30, te Raiun Sozial a Picolin.

Comun: Le Comun de Mareo lascia alessëi che empede le lõnesc ai 6 de jenà 2014 (Santabogna), gnarà le ciomont de cïasa coü adöm le dé dō, dédölõnesc ai 7.

TIM & LAURA www.WAGHUBINGER.de



Impressum: Ploania d'Al Plan, str. Catarina Lanz nr. 46, 39030 Al Plan de Mareo.

Comunicaziuns - cïna al dédemesaledema sëra - da mené a: Pablo Palfrader

Tel. 333 4762010 Mail: ploaniaalplan@gmail.com

Download plata: www.comun.mareo.bz.it o inçe www.valbadiaonline.it



Ploania
d'Al Plan
de Mareo

La plata de
Ploania

E-Mail: ploaniaalplan@gmail.com - Radio de Ploania: 93,00 MhZ
Telefôn y fax de calogna 0474/501006

3a Domëgna d'Advënt - GAUDETE - ai 15.12.13 - nr. 3



VAL BADIA

Credere, nonostante tutto

*Confidate nel Signore sempre,
perchè il Signore è una roccia eterna. (Isaia 26)*

Credere, nonostante tutto, credere nella forza della roccia. Credere, nonostante tutto, che ciò che è, può essere rovesciato. Credere, nonostante tutto, che il dolore un giorno si trasformerà ancora in gioia. Credere ed avere fede sempre, anche se a volte è difficile, specie quando d'improvviso le persone care vengono a mancare, e ti sembra che anche la terra ceda sotto ai piedi, e l'aria scarseggi nei polmoni. Ma il credere nel Signore, nostra roccia, rafforza quasi inconsapevolmente il nostro spirito, ripara le nostre falle, gli strappi della nostra anima, e ci rende così più forti.

Aiutaci Signore, a costruire la nostra vita su di te, roccia sicura. Dacci la forza di vivere ogni giorno con fede.



L'advënt dal Signur è damprò

Secunda letöra, dala lëtra de San Iaco, 5, 7 - 10

⁷Fredesc, tignidela fora con pazionza cïna al advënt dal Signur! Inçe le pair aspeta dō le früt prezïus dla tera, al aspeta con pazionza, cïna ch'al vën la plöia da d'altonn y da d'aisciöda. ⁸Tan pazioncé dësses inçe os ester. Renforzede osc cör, deache l'advënt dal Signur è damprò. ⁹No baodiade, fredesc, önn dal ater, por ch'i ne gnëise nia iudichës. Cïarede, le iudicadü è belo dan porta. ¹⁰Fredesc, tla soferonza y tla pazionza toleda por ejompl i profec co à baié tal ennom dal Signur.

Parora de Dio. - Rengraziun Idio!



Dritter Advent
O Erd, schlag aus,
schlag aus, o Erd

Le Signur ti fej avarëi le dërt ai sotmotüs,
ai arfamës le pan ti däl, i sarës ia delibrëiel!
Le Signur ti daür ai verc i edli, al dëida sō chi co toma.

S.Mësses y Funziuns dai 15 ai 22 de dezember 2013

Domëgna: 15.12.: III° domëgna d'Advënt: Gaudete

Oferta d'Advënt por la Diozeja



9.30: Funziun dla Domëgna: Advënt

10.00: Rorate por la Crusc Blanca (Renzo)

Rorate por i doturs – infermiers y assistënc'

14.00: Funziun dal Bato: Matthias Winkler

18.00: S.M. aniv. por +nt Vittorio Coppola

S.M. por vis y +nc' dla Fam. Loise y Albert Willeit, Soratrú

S.M. en onú de S.Antone y S.Bescian

Por Fam. Complojer Tone y Annamaria, Lex

S.M. por vis y +nc' de Complojer Maria, Runcac'

S.M. por +nta Comploi Judita, Mantëna - Sorapunt

Lön. 16.12.: Lönesc dla 3. Dom. d'Advënt: Sa.Adelheid, S.David

19.30: Rorate por +nt Erlacher Pire, Corcela (Scora de Musiga)

Rorate por +nt Erlacher Hans, Corcela

Dédol. 17.12.: Dédol. dla 3. edema d'Advënt: S.Lazaro, Sa.Iolanda

19.30: Meditaziun de Taizé

Dédem.18.12. Dédem. dla 3. edema d'Advënt: Sa.Filip

19.30: Rorate por +nt Feghile Obojes, Craizer

(Andrea y Roberto)

Jöbia 19.12.: Jöbia dla 3. edema d'Advënt: S.Pire, S.Konrad

19.30: Funziun d'Advënt

Vëndr.20.12.: Vëndres dla 3. edema: Sa.Regina, S.Heinrich

19.30: Rorate por le Cor de Dlijia (Cor de Dlijia)

Sab. 21.12.: Sabeda dla 3. d'Advënt: Sa.Maria d'Advënt

17.00: Poscibilità da se pissié

18.00: Rorate por la Jonëza (Tonalitës)

Domëgna 22.12: IV°. domëgna d'Advënt: Rorate

Oferta por i bojügns dla Ploania

9.30: Funziun d'Advënt

10.00: Rorate por i Voluntars, Consëi de Cöra,
y Benefaturs dla Ploania (Cuartet de Sybille)

18.00: S.M. por +nc' Carlo y Anita Dragotto

S.M. por vis y +nc' dla Fam. Hochwieser Clara

S.M. por +nt Vijo Agreiter, Antersi

S.M. por +nt David Comploi, de Mano

S.M. por +nt Ties Angelo, de Col



Na picia storia - MIA SALVÈZA

Canch'i jea en dé con ön dal Tibet sö por munt, y al gonfedà dassënn, ài odü na porsona tomada tla nëi y broderada jö por en rogn.

Iu dijea a mio coleg de iade: "I messun atira jì sön le post y la daidé."

Al respognea: "Degügn ne po ieré da nos ch'i se fistidiunse dal desfortüné, deperpo ch'i sun enstësc en prigo de vita."


"Va bën bun", ài iu dit, "Sc'i messun belo mori, èdl dërt, ch'i moriun entratan ch'i daidun zacai."

Al s'ojea spo y jea ennant do sö tru.

Tal medemo momont fistidiài dal enfortüné, le tolea sön na sciabla y le portà ete y sö. Con cösc sforz mo scialdài ete y mio cialt scialdà inçe le corp abramì dal desfortüné.

Sön tru roài endò pa mio pröm acompagnadù, co ea ia por tera tla nëi. Al ea stanch, s'à lascé jö y ea dlace.

Iu à örü salvé na porsona y à ensciö inçe salvé mia vita.



U. Loose

Die Antwort Jesu an Johannes den Täufer lässt heute viele unbefriedigt. Weil Blinde nicht sehen, Taube nicht hören, Lahme nicht gehen und Tote nicht auferstehen. Zumindest nicht in dem medizinischen Sinne, in dem wir diese Worte heute hören. Und überhören dabei die Antwort Jesu, die er auch in unsere Ohren spricht: „Selig ist, wer an mir keinen Anstoß nimmt.“ Nicht an dem Leid der Welt und nicht daran, dass wir es nicht verstehen können. Nicht an dem Kind in der Krippe und nicht an dem Gekreuzigten. Und nicht daran, dass er den Tod überwunden hat. Sondern, dass wir vertrauen und uns immer wieder auf den Weg machen, ihn zu suchen und dabei denen zur Seite stehen, die den Weg alleine nicht gehen können.

I urun saludé, rengrazié y ti aodé tröpa ligrëza ales mitans y ai mituns co s'à arigné ca con lezitonza y con entujiasm da gni tuç sö pa la Uniun di Ministröc. I confidun co ai sai da mantignì ennant la medema disponibilité pro l' sorvisc che ai fajarà a onur de Chël Bel Dio.

Sorvisc dai Ministröc

Lönesc 16/12 (19:30h): Dédemesaledema 18/12 (19:30h): Vëndres 20/12 (19:30h): Max y Vanessa Obwegs; Sabeda 21/12 (18.00h): Jan y Anna Trebo, Paula y Veronika Erlacher, Herbert y Daniel Piazza; Domëgna 22/12 (10.00h): Simone Crusafio, Marlene, Stefan y Florian Palfrader, Asia y Mara Rungger; Domëgna 22/12 (18.00h): Jasmin, Melanie y Alexa Ties, Ester Comploi, Elisa Coppola, Lisa Comploi

